

Heet is heet

Heet is heet und moring morg'n,
owa moring bi I öta.

latzt is Summa, Winta boid;
nur – im Winta is ma köta.

Fria hob' i ma ois g'mirkt,
heet vogiss i monixmoi,
wos i ma hob mirka wö'n –
's wa wichti g'west, auf jed'n Foi.

Gestan 'tonzt, heet auf zwoa Kruckan
weh tuit ma is gonze G'stö.

Fria hob'm ma's d'Menscha oton,
heet bi i monixmoi im Ö!

Heet sitz' i beim Heiring no,
hoiweni ois gonza Mo.
Moring tot, so kunnt's leicht see,
d'rum trink i no a Ocht'l Wee.

Juni 2020